

---

OFFERYNNAU STATUDOL CYMRU

---

**2015 No. 1025 (Cy. 74) (C. 70)**

**LLYWODRAETH LEOL, CYMRU**

**Gorchymyn Deddf Is-ddeddfau Llywodraeth Leol (Cymru) 2012  
(Cychwyn Rhif 2, Darpariaethau Trosiannol ac Arbedion) 2015**

*Gwnaed* - - - - *25 Mawrth 2015*

Mae Gweinidogion Cymru yn gwneud y Gorchymyn a ganlyn drwy arfer y pwerau a roddwyd iddynt gan adran 22(2) a (3) o Ddeddf Is-ddeddfau Llywodraeth Leol (Cymru) 2012(1).

**Enwi a dehongli**

1.—(1) Enw'r Gorchymyn hwn yw Gorchymyn Deddf Is-ddeddfau Llywodraeth Leol (Cymru) 2012 (Cychwyn Rhif 2, Darpariaethau Trosiannol ac Arbedion) 2015.

(2) Yn y Gorchymyn hwn—

- (a) ystyr “Deddf 2012” (“*the 2012 Act*”) yw Deddf Is-ddeddfau Llywodraeth Leol (Cymru) 2012; a
- (b) ystyr “Deddf 1972” (“*the 1972 Act*”) yw Deddf Llywodraeth Leol 1972(2).

**Y diwrnod penodedig**

2. 31 Mawrth 2015 yw'r diwrnod penodedig ar gyfer dwyn i rym y darpariaethau a ganlyn yn Neddf 2012—

- (a) adran 1 (trosolwg);
- (b) adran 2 (is-ddeddfau ar gyfer rheolaeth dda a llywodraeth ac atal niwsansau);
- (c) adran 3 (ystyr “awdurdod deddfu”);
- (d) adran 4 (dirymu gan awdurdod deddfu);
- (e) adran 5 (dirymu gan Weinidogion Cymru);
- (f) adran 6 (is-ddeddfau pan na fo cadarnhad yn ofynnol) a Rhan 1 o Atodlen 1;
- (g) adran 7 (is-ddeddfau pan fo cadarnhad yn ofynnol);
- (h) adran 8 (materion ffurfiol, cychwyn a chyhoeddi is-ddeddfau);
- (i) adran 10 (tramgwyddau yn erbyn is-ddeddfau);

---

(1) 2012 dccc 2.  
(2) 1972 p. 70.

- (j) adran 11 (is-ddeddfau adran 2; pwerau ymafael etc);
- (k) adran 12 (y pŵer i gynnig cosbau penodedig am dramgwyddau yn erbyn is-ddeddfau penodol) i'r graddau nad yw eisoes wedi ei chychwyn a Rhan 2 o Atodlen 1;
- (l) adran 13 (swm cosb benodedig) i'r graddau nad yw eisoes wedi ei chychwyn;
- (m) adran 14 (y pŵer i ofyn am enw a chyfeiriad mewn cysylltiad â chosb benodedig);
- (n) adran 15 (y defnydd o dderbyniadau am gosbau penodedig);
- (o) adran 17 (Swyddogion Cymorth Cymunedol etc);
- (p) adran 18 (canllawiau) i'r graddau nad yw eisoes wedi ei chychwyn;
- (q) adran 19 (tystiolaeth o is-ddeddfau); ac
- (r) adran 20 (diwygiadau canlyniadol) a pharagraffau 1 i 8, 9(1) i (3), (5) a 10 i 18 o Atodlen 2.

### Darpariaethau trosiannol ac arbedion

- 3.—(1) Er i adrannau 2, 4, 6, 7, 8 ac 20 o Ddeddf 2012, ac Atodlenni 1 a 2 iddi, ddod i rym—
- (a) nid yw adrannau 2, 4, 6 a 7(3) i (9) ac 8(3) o'r Ddeddf honno, ac Atodlen 2 iddi, yn gymwys i is-ddeddfau a ddisgrifir ym mharagraff (2); a
  - (b) mae adran 236(3), (4) i (7) ac (11)(3) o Ddeddf 1972 yn gymwys i is-ddeddfau a ddisgrifir yn y paragraff hwnnw.
- (2) Mae'r paragraff hwn yn gymwys i is-ddeddfau y mae adrannau 235, 236 a 236B o Ddeddf 1972 yn gymwys iddynt, os cyn y diwrnod penodedig—
- (a) bod un neu ragor o'r camau a ganlyn wedi eu cymryd mewn perthynas â hwy—
    - (i) bod yr awdurdod deddfu sy'n gwneud yr is-ddeddfau wedi rhoi hysbysiad, yn unol ag adran 236(4) o Ddeddf 1972, o'i fwriad i wneud cais am gadarnhad o'r is-ddeddfau yn un neu ragor o'r papurau newydd lleol sy'n cylchredeg yn yr ardal y mae'r is-ddeddfau i fod yn gymwys iddi; neu
    - (ii) bod copi o'r is-ddeddfau wedi ei adneuo, yn unol ag adran 236(5) o Ddeddf 1972, yn swyddfa'r awdurdod deddfu sy'n gwneud yr is-ddeddfau; a
  - (b) bod yr awdurdod cadarnhau(4) heb gadarnhau'r is-ddeddf; neu
  - (c) bod yr awdurdod cadarnhau wedi cadarnhau'r is-ddeddf ond nad yw'r is-ddeddf eto wedi dod yn weithredol.

25 Mawrth 2015

*Leighton Andrews*  
Y Gweinidog Gwasanaethau Cyhoeddus, un o  
Weinidogion Cymru

- 
- (3) Diwygiwyd is-adran (1) o adran 236 o Ddeddf 1972 gan adran 84 o Ddeddf Llywodraeth Leol 1985 (p. 51), a pharagraff 31(1) o Atodlen 14 iddi. Diwygiwyd is-adran (3) o adran 236 o Ddeddf 1972 gan O.S. 2001/3719. Diwygiwyd is-adran (9) o'r adran honno, a mewnosodwyd is-adran (10A) o'r adran honno, gan baragraff 50 o Atodlen 15 i Ddeddf Llywodraeth Leol (Cymru) 1994 (p. 19). Ceir diwygiadau eraill i adran 236 o Ddeddf 1972 nad ydynt yn berthnasol i'r Gorchymyn hwn.
  - (4) Gweler adran 236(11) o Ddeddf 1972 ar gyfer ystyr "confirming authority". Mae swyddogaeth yr Ysgrifennydd Gwladol yn yr adran hon yn cael ei harfer yn gyfredol â Chynulliad Cenedlaethol Cymru yn unol ag erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672), ac Atodlen 1 iddi. Trosglwyddwyd y swyddogaeth hon bellach i Weinidogion Cymru yn rhinwedd gweithrediad adran 162 o Ddeddf Llywodraeth Cymru 2006 (p. 32) a pharagraff 30 o Atodlen 11 iddi.

## NODYN ESBONIADOL

(Nid yw'r nodyn hwn yn rhan o'r Gorchymyn)

Gwneir y Gorchymyn hwn o dan adran 22(2) a (3) o Ddeddf Is-ddeddfau Llywodraeth Leol (Cymru) 2012 ("Deddf 2012"). Hwn yw'r ail orchymyn cychwyn i'w wneud o dan Ddeddf 2012.

Mae erthygl 2 o'r Gorchymyn yn darparu mai 31 Mawrth 2015 yw'r diwrnod penodedig ar gyfer dwyn i rym y darpariaethau yn Neddf 2012 a nodir yn yr erthygl honno ac y cyfeirir atynt isod:

- adran 1 (trosolwg);
- adran 2 (is-ddeddfau ar gyfer rheolaeth dda a llywodraeth ac atal niwsansau);
- adran 3 (ystyr "awdurdod deddfu");
- adran 4 (dirymu gan awdurdod deddfu);
- adran 5 (dirymu gan Weinidogion Cymru);
- adran 6 (is-ddeddfau pan na fo cadarnhad yn ofynnol) a Rhan 1 o Atodlen 1;
- adran 7 (is-ddeddfau pan fo cadarnhad yn ofynnol);
- adran 8 (materion ffurfiol, cychwyn a chyhoeddi is-ddeddfau);
- adran 10 (tramgwyddau yn erbyn is-ddeddfau);
- adran 11 (is-ddeddfau adran 2; pwerau ymafael etc);
- adran 12 (y pŵer i gynnig cosbau penodedig am dramgwyddau yn erbyn is-ddeddfau penodol) i'r graddau nad yw eisoes wedi ei chychwyn a Rhan 2 o Atodlen 1;
- adran 13 (swm cosb benodedig) i'r graddau nad yw eisoes wedi ei chychwyn;
- adran 14 (y pŵer i ofyn am enw a chyfeiriad mewn cysylltiad â chosb benodedig);
- adran 15 (y defnydd o dderbyniadau am gosbau penodedig);
- adran 17 (Swyddogion Cymorth Cymunedol etc);
- adran 18 (canllawiau) i'r graddau nad yw eisoes wedi ei chychwyn;
- adran 19 (tystiolaeth o is-ddeddfau); ac
- adran 20 (diwygiadau canlyniadol) ac Atodlen 2 ond nid paragraff 9(4) o'r Atodlen honno.

Mae erthygl 3 yn gwneud darpariaethau trosiannol ac arbedion mewn cysylltiad ag is-ddeddfau y mae un neu ragor o'r camau a ddisgrifir yn erthygl 3(2)(a) wedi eu cymryd mewn perthynas â hwy cyn y diwrnod penodedig.

Daeth adrannau 18(1) (canllawiau), 21 (gorchymynion a rheoliadau), 22 (cychwyn), a 23 (enw byr) o Ddeddf 2012 i rym ar 30 Tachwedd 2012.

Mae'r darpariaethau a ganlyn yn Neddf 2012 wedi eu dwyn i rym o ran Cymru drwy orchymyn cychwyn a wnaed cyn dyddiad y Gorchymyn hwn:

Y Ddarpariaeth	Y Dyddiad Cychwyn	Rhif O.S.
adran 9 (y pŵer i ddiwygio Rhan 1 o Atodlen 1 i Ddeddf 2012)	15 Awst 2014	<a href="#">O.S. 2014/2121 (Cy. 207)</a>
adran 12(13) (y pŵer i wneud rheoliadau i ragnodi amodau)	15 Awst 2014	<a href="#">O.S. 2014/2121 (Cy. 207)</a>

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<b>Y Ddarpariaeth</b>	<b>Y Dyddiad Cychwyn</b>	<b>Rhif O.S.</b>
i'w bodloni gan berson cyn y caiff cyngor cymuned awdurdodi'r person i roi hysbysiadau cosb benodedig o dan Ddeddf 2012)		
adran 13(3) (y pŵer i wneud rheoliadau mewn cysylltiad â swm cosbau penodedig)	15 Awst 2014	<a href="#">O.S. 2014/2121 (Cy. 207)</a>
adran 13(4) (y pŵer i'w gwneud yn ofynnol bod swm cosb benodedig yn dod o fewn ystod a ragnodir ac i gyfyngu ar y rhychwant y caiff awdurdod wneud darpariaeth o dan adran 13(1) (b) o Ddeddf 2012 a chyfyngu ar yr amgylchiadau pan all wneud hynny)	15 Awst 2014	<a href="#">O.S. 2014/2121 (Cy. 207)</a>
adran 16 (y pŵer i ddiwygio Rhan 2 o Atodlen 1 i Ddeddf 2012)	15 Awst 2014	<a href="#">O.S. 2014/2121 (Cy. 207)</a>